

Mildison® Lipid creme 1%

052992

Hydrocortison

Atuilersinnak paasissutissiissut una pingaarutilinnik imalik peqqissaartumik atuaruk.

Nakorsaat nakorsamit allagartalerneqaqqaarnak pissarsiarisinnaavat.

Nakorsaat pitsaanerpaamik sunniuteqassapat nassuiaatigineqartut tamatigut maleqqissaassavatit.

- Paasissutissiissut kingorna atorfissaqartilersinnaagaku toqqussavat
- Allalik apequtissaqaruit nakorsaatilersumut apeqquilliigit.
- Kingunerluutit ajornerulerpat matumaniluunniit allassimangitsunik kingunerluuteqaleruit, nakorsaq nakorsaatilersorluunniit attavigiuk.

Paasissutissiap imai

1. Sunniutaa atorneqarfissaalu
2. Atulersinnagu ilisimasassat
3. Atorneqarnissaa
4. Kingunerluutai
5. Sumiitinnissaa
6. Paasissutissat allat

1. SUNNIUTAA ATORNEQARFISSAALU

Mildison Lipid tartut uiguusa aammut aniatitaannit hormonimit sakkukitsunit (glukokortikoid) nakorsaasiaavoq tarnutissaq, ammikkut aseruutoornermut ungillernemullu atugassiaasoq.

Mildison Lipid amerluutinut (ekseminut) /aniornernut annikitsunut, seqinermut uunnernut seqinermillu ekseminut nakorsaataavoq. Mildison Lipid amerluummur psoriasis-imut aamma atorneqarsinnaavoq.

Nakorsap allamut nakorsaasiussimasinnaammagu tamatigut nakorsap inassuteqaataa malissavat.

2. MILDISON LIPID NAKORSAASIUTSINNAGU ILISIMASASSAT

Mildison Lipidnakorsaatigissanngilat:

- Hydrocortison akuisaluunniit arlaat saperukku.

Mildison Lipid makkununnga atussanngilat:

- rosacea, ammikkut nappaat kiinnakkut aseruuttoornermut ittoq, pingaartumik qinngap ulussat qaallu aappillernerannik ersiutilik.
- perioral dermatit, aseruunnernik bumsitit ittunik qanup sinaagut naasoqarneq.
- Bumsinut imal. bumseqarfinnut.
- Ammikkut aseruuttoorneq tappioranartunik oqunnik bakterissanilluunniit patsiseqartoq, aseruuttoorneq immikkut nakorsarneqanngippat.

- Immikkut mianersuuttariallit

Mildison Lipid nakorsap peqqussutiginnippagu sap. ak. sisamaniit arfinillit sinnerlugit atorneqassanngilaq. Ameerq Mildison Lipid-imik tanittagaq qasillerpat/aappillerpat imal. aseruunneq annertunerulerpat, tarnut atorunnaartariaqarpat. Mildison Lipid ikini ammasuni atorneqassanngilaq.

Mildison Lipid kiinnamut amermullu saattumut allamut siviluallaamik atornissaa mianersuuguk.

Mildison Lipid tarnummik isitit attorneveersaakkit.

Meeqqat: Mildison Lipid meeqqani siviluallaamik ammillu ilaani annertuumi atornissaa mianersuuguk.

Saniatigut allalik nakorsaatitoruit

Allalik nakorsaatitugaqarninnik qanittukkulluunniit nakorsaatitorsimaninnik nakorsaq nakorsaatilersorluunniit tamatigut ilisimatitassavat.

Nakorsaatit nakorsap allagartaligarinningsai, nunami allami pisiat, nunap pissarititaanik nakorsaasiat, vitaminiit

sakkortuut, mineraalit nerisanullu tapiliuttakkat matumani aamma pineqarput. Mildison Lipid nakorsaatinut allanut akuliullugu atorineqarsinnaavoq.

Naartuneq milutitsinerlu

Nakorsaat sunaluunniit atulersinnagu nakorsaq nakorsaatilerisorluunniit siunersioruk.

Naartuneq:

Mildison Lipid naartuninni atorsinnaavat.

Milutsitsineq:

Mildison Lipid milutsitsininni atorsinnaavat.

Angallannikkut suliffimmilu isumannaallisaaneq

Mildison Lipid suliffiup isumannaatsuunissaanut isumannaatsumillu angalanissamat sunniuteqanngilaq.

Mildison Lipid-ip akuisa ilaat pillugu paasissutissat pingaarutilit

Cetostearylalkohol amerlertitsisnaavoq (ass. sapikkanik attuinermi). Asiunaveersaammik propylparahydroxybenzoat (E 216), sapigaqalersitsisartumik akoqarpoq (nakorsartigereernerani ersiutai takkussinnaasarput).

3. MILDISON LIPID IMA ATORNEQASSAAQ

Annertussusiliineq

Meeqqat inersimasullu:

Tarnut ullormut ataasiarlugu annerpaamillu pingasoriarlugu saattumik tarnunneqassaaq.

Mildison Lipid nakorsap innerssuussutaa naapertorlugu aatsaat meeqqanut marluk inorlugit ukiulinnut

atorneqarsinnaavoq. Nakorsaq allamik annertussusiliippat nakorsap innerssuussutaa malinneqassaaq.

Atornissaanut ilitsersuut:

Mildison Lipid amermut ajoqutilimmut taamaallaat tarnunneqassaaq. Amerluutip avataa taninnaveersaassavat. Assatit tanitassaangippata tarnutigereerukku assatit asakkit.

Mildison Lipid ingasaassimagukku

Mildison Lipid paasissutissiami matumani innerssuussutaasunit nakorsalluunniit innerssuussutaanit annertunerusumik atorsimagukku nakorsaq ajoqusersimasunut nakorsiartarfik nakorsaatilerisorluunniit attavigiuk.

Mildison Lipid atorunnaarukku

Sivisuumik atoreerlugu tassangaannaq atorunnaarukku ammit qasillerluni aappillersinnaavoq amerluulluunniit psoriasis ajorner ulersinnaalluni.

Mildison Lipid kigaatumik atorunnaariartorlugu tamanna pinngitsoortissinnaavat.

Allanik apeqquutissaqaruit nakorsaq nakorsaatilerisorluunniit aperiuq.

4. KINGUNERLUUTIT

Mildison Lipid nakorsaatitut allatulli kingunerluuteqarpoq inuilli tamarmik

kingunerluuteqartitsisangillat.

Kingunerluutit navianaateqanngitsut:

Qanoq akulikitsigisunik atugaanera ilisimaneqanngitsaq: Aseruuttoornerup ajornerulenera.

Kingunerluutit nalinginnaanngitsut (nakorsaatitortut 1000-it akornanni ataatsip qulillu akornanniitunit misigineqartartut): Sapikkanik attuinermi amerlerneq(eksem).

Qaqutigut imal. qaqutigorsuaq navianaateqanngitsunik allanik kingunerluuteqartoqartarpoq. Kingunerluutit taakku

pillugit paasissutissanik pissarserusukkuit nakorsaq nakorsaatilerisorluunniit attavigiuk.

Lægemedelstyrelsimut nalunaaruteqarnissaq kingunerluutillu pillugit ilisimasat pitsaanerulernissaat

siunertaralugu, matumani allassimangitsumik kingunerluuteqaruit nakorsamat nakorsaatilerisumulluunniit

nalunaarutigissavat.

Kingunerluuteqalissaguit, qaangiukkumangippata ippiutaappatalu nakorsaq nakorsaatilerisorluunniit

tamatuminnga oqaluttuutissavat. Kingunerluutit ilaat nakorsartariaasinnaasarput.

Napparsimasup ilaqaataaluunniit kingunerluutit Lægemedelstyrelsimut toqqaannartumik nalunaarutigisnaavaat. Skema immersugassaq ilitsersuullu Lægemedelstyrelsip nittartagaani <http://www.laegemedelstyrelsen.dk/> pissarsiassaapput.

5. MILDISON LIPID-IP SUMIITINNISSAA

Mildison Lipid meeqqat inorsillugit inissiguk. Mildison Lipid tarnut inimi nalinginnaasumik kiassusilimmiitiguk (15-25 °C). Atorneqarfissaanut killiliussa qpuani allassimasoq qaammat naareersimappat, Mildison Lipid atorneqassanngilaq. Nakorsaaticukkavit sinneri nakorsaaticilerisumut utertittakkit. Avatangiisit illersorniarlugit nakorsaatic sinnerinik kuuffimmut, anartarfimmut eqqaavimmulluunniit igitseqinak.

6. PAASISSUTISSAT ALLAT Mildison

Lipid-ip akui:

Nakorsaaticitaa: hydrocortison 10 mg

Akui allat: paraffin qaortoq aqitsoq, paraffinolie imerpalasoq; cetostearylalkohol; macrogol 25 cetostearylether; citronsyre imermik akuitsoq (E 330); natriumcitrat imermik akuitsoq (E 331), imerlu saligaatsoq. Asiunaveersaat: Propylparahydroxybenzoat (E216), benzylalkohol.

Isikkua imartussutsillu

Isikkua:

Tarnut qaortoq

Tarnutit imartussusaat:

Maqittagaq 15 g, 30 g aamma 100 g. Annertussutsilli tamakkerlutik pissarsiassaanersut apeqqutaassaaq.

Nioqquteqarnissamat akuersissutalik tunisassiortorlu

Nioqquteqarnissamat akuersissutalik:

LEO Pharma A/S, Industriparken 55, 2750 Ballerup, Danmark oqarasuaat:
+46 (0)40352200, e-mail: info@leo-pharma.com

Tunisassiortog:

Temmler Italia S.r.l., Via Delle Industrie 2 (MI), 20061 Carugate, Italien

Paasissutissiissut kingullermik nutarterneqarpoq september 2016

LEO

052992

